

15 JAN 1999

KAMI AKAN MEMAKLUMKAN KEPADA PM SEMUANYA MENGENAI SABAH, KATA Dompok

KOTA KINABALU, 15 Jan (Bernama) -- Ketua Menteri Tan Sri Bernard Dompok berkata hari ini Barisan Nasional (BN) Sabah akan menggunakan pertemuan dengan Perdana Menteri Datuk Seri Dr Mahathir Mohamad esok untuk membincangkan perkara-perkara mengenai negeri ini, termasuk pilihan raya negeri yang akan datang.

"Kami akan memaklumkan kepada Perdana Menteri mengenai semua perkara mengenai Sabah dan perkara-perkara lain yang diperlukan," katanya ketika menjawab soalan pemberita mengenai sama ada pertemuan itu, yang akan dihadiri oleh kesembilan komponen BN Sabah akan ditumpukan kepada pilihan raya negeri.

Sebelum itu, Dompok menyerahkan sumbangan lembu kepada anggota-anggota polis di Balai Polis Penampang dekat sini sempena sambutan Hari Raya Aidilfitri.

Mengenai sama ada tarikh pilihan raya negeri itu, yang kesembilan bagi Sabah, telah ditetapkan, Dompok berkata: "Anda hanya perlu menunggu."

Penggal Dewan Undangan Negeri sekarang yang mempunyai 448 anggota akan berakhir pada 18 Mac.

-- BERNAMA
JS WAT